



Publicaziuns dalla vischnaunca, jamna 26

Damonda da baghegiar

2015-1028.000

Datum dalla publicaziun: Ils 26 da zercladur 2015

Il patrun: Vischnaunca Disentis/Mustér, Via Cons 2, 7180 Disentis/Mustér

Il projectader: Eichenberger Revital SA, Ingenieurbüro für Wasserbau und Gewässer-revitalisierung, Rheinfeldstrasse 2, 7000 Cuera

Object: Niev trassé per la loipa cun fundaments per las punts temporaras Brulf, Plaun Sut Sut e Denter Reins; proprietaris tenor gliesta aschuntada alla documentaziun da publicaziun, Brulf, Plaun Sut Sut e Denter Reins, 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 22 da zercladur 2015

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2015 – 2040.000

Pius e Jordana Lozza-Desax, Via dils Larischs 6, 7180 Disentis/Mustér; remplazzament dallas finiastras e construcziun niev esch da balcun, parcella 1012, Via dils Larischs 6, 7180 Disentis/Mustér.

Nr. 2015 – 2041.000

Hans ed Irene Huonder, Via Faltscharidas 1, 7180 Disentis/Mustér; sanaziun dil plaz da seser parcella 1733, Via Faltscharidas 1, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla supras-tonza communal.

Disentis/Mustér, ils 22 da zercladur 2015

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2015 – 1001.000

PEG Acla da Fontauna, Masanserstrasse 40, 7002 Cuera; 5 baghetgs novs cun hotel, habitaziuns administradas, habitaziuns e garaschas sutterranas, tenor utilisaziun plan d'areal Acla da Fontauna, parcelas 1346, 1342 e 1339, Acla da Fontauna, 7180 Disentis Mustér.

Nr. 2015 – 1002.000

PEG Acla da Fontauna, Masanserstrasse 40, 7002 Cuera; spazzar ils baghetgs 720 e 720-A sin parcella 1346, Via Alpsu 50, 7180 Disentis/Mustér



Nr. 2015 – 1006.000

Robert Cajacob-Candinas, Via Sut Vitg 4, 7186 Segnas; construcziun d'in bogn niev, parcella 722, Via Lucmagn 3, 7180 Disentis/Mustér

Nr. 2015 – 1007.000

Claustra Mustér, Via Claustra 1, 7180 Disentis/Mustér; sanaziun interna dalla halla da gimnastica, construcziun d'in niev access (sortida d'urgenza), parcella 580, Via Sogn Sigisbert 2, 7180 Disentis/Mustér

Nr. 2015 – 1008.000

Cucagna SA, Via Alpsu 10, 7180 Disentis/Mustér; sanaziun totala cun midada d'intent, construcziun da habitaziuns novas, parcella 680, Via Alpsu 10, 7180 Disentis/Mustér.

Nr. 2015 – 1017.000

Kurt e Cornelia Ulmann-Schuoler, Via Davos-Mustér 3, 7180 Disentis/Mustér; spazzar la garascha existenta, construcziun d'ina garascha nova, adattaziun dils mirs da sustegn, parcella 897, Via Davos-Mustér 3, 7180 Disentis/Mustér.

Disentis/Mustér, ils 22 da zercladur 2015
Uffeci da baghegiar Disentis/Mustér

**Eleccziun communal da dils 14 da zercladur
Resultats**

Diember dils votants 1531
Participaziun alla votaziun 43,7%

Eleccziun complementara dil cussegl da vischnaunca

Dau giu cedels 669
Cedels vits 57
Cedels nunvaleivels 7
Total cedels vits e nunvaleivels 64
Cedels valeivels 605

Vuschs ha obteniu ed eligius ei:

Deflorin Adrian 477

Plinavon han obteniu vuschs:
Pablo Maissen 119
Ulteriurs 9

Biro electoral
Il president, Iso Mazzetta
Igl actuar, Romeo Schmed

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter l'eleccziun communal da dils 14 da zercladur 2015 enteifer 3 dis dapi ch'il motiv da recuors ei vegnius constataus, sil pli tard denton il tierz di sunter la publicaziun officiala dils resultats. Il recuors ei d'inoltrar alla suprastanza communal.

Disentis/Mustér, ils 14 da zercladur 2015



Cussegl da vischnaunca Credit per la sanaziun tschancun Via Lucmagn

La suprastonza communal fa la suandonta cumpletaziun pertuccont Via Lucmagn (tschancun punt Langini–Via Raveras):

En la seduta dils 11 da zercladur 2015 ha cusseglier Wendelin Jacomet fatg la proposta da pre-veder en ina secunda fasa la sanaziun dalla sbuccada dalla Via Gonda. La vischnaunca duei comunablamain cul cantun instradar la procedura necessaria per migliurar la segirtad per pedunzs ed automobilists alla sbuccada Via Gonda. Vinavon vegn giavischau in'informaziun sur dil proceder e la fatschenta vegn aschuntada alla gliesta da pendenzas. La proposta fatga ei vegnida approvada dil cussegl da vischnaunca.

Suprastonza communal

Controlla da habitonts

Mortori

Lucia Monn-Deflorin, naschida ils 24 d'avrel 1927,
morta ils 20 da zercladur 2015

Uniun da catschadurs Péz Alpetta

Attest da sittar a Sars sut

Ils suandonts dis eis ei pusseivel da far igl attest da sittar, mintgamai naven dallas 18.00–20.00.

2-7-2015
24-7-2015
7-8-2015
14-8-2015
21-8-2015
23-8-2015 (adatg – tir intern)

Cordialmein envida
Secziun Péz Alpetta

Apparat d'udida

Gliendisdis, ils 29 da zercladur 2015 saveis Vus schar schubergiar e rugalar Vies aparat d'udida:

9.15-10.15 en Casa sogn Martin a Trun
10.45-11.30 en Casa sogn Giusep a Cumpadials
13.30-15.15 el Puntreis, Center da sanadad a Mustér

Las firmas Amplifon ni Jäggi da Cuera/Glion, cun signur Arthur Jacomet, fan quei survetsch per tuts interessents gratuitamein. Ei drova negina annunzia.



Corporaziun d'aua Spina da Vin, Mustér Survigilader dil provediment d'aua

A caschun dalla seduta dils 15 da zercladur 2015 ha la suprastanza dalla Corporaziun d'aua Spina da Vin elegiu *Andi Jacomet da Mustér/Segnas* sco niev survegiler dil provediment d'aua. Andi Jacomet vegn ad entscheiver sia nova incarica cun l'entschatta october 2015. Nus gratulein ad el per l'elecziun e selegrein sin ina buna e prospereivla collaboraziun.

*Corporaziun d'aua Spina da Vin
la suprastanza*

Uniun da dunnas Mustér

Dacuort havein nus envidau las dunnas d'emplenir ora in questiuari che duei gidar la suprastanza e la gruppa d'interess tier la decisiun davart il futur dall'uniun da dunnas Mustér, q.v.d. sch'ella ha insumma ina schanza da vegnir mantenida ni sche l'uniun sto vegnir sliada. Era eis ei da far patratgs co la sutgruppa mummas cun affons pigns duei funcziunar – eis ella gia in sector dall'uniun. Entochen il termin fixau havein nus obteniu varga 70 rispostas. Quei fa plascher e nus engraziein a tuttas per il sustegn accordau. Vinavon envidein nus, gie appellein nus talas dunnas che han aunc buca rispundiu da d'implenir ora ton pli spert il questiuari – Tiu meini ei fetg impurtants – e da returnar el all'adressa indicada. En quei connex ei capitau in incaps buca declarabels. Sco nus havein stuiu constatar, han buca tuttas dunnas obteniu il questiuari. Nus s'exculpein per quei fatg. Nossa damonda da controlla tier l'administraziun communal ha buca purtau success. Deplorablamein savein nus buca eruir las adressas che mauncan. Sch'enzatgi ha pia buca retschiert nossa posta (ni las autras che han forsa dismiss il formular), duein prender contact cun Jeannette Venzin (venzinjeannette@kns) ni cun Rita Furger (081 936 45 45).

Il termin da returnar il formular vegn cheutras prolungius entochen ils 11 da fendadur 2015. Nus selegrein sin ulteriuras rispostas.

Engraziel per Tia capientscha e per Tiu engaschi.

Cordials salids
la suprastanza e la gruppa d'interess